


Pablo pa Filemón kede wubadi



Yura

Pablopa Filemón kede wubadi

Filemón
en el idioma
yura



Pablopa Filemón kede wubadi
La carta de San Pablo a Filemón
en el idioma yura [mts]

Texto: © 2024, Wycliffe Bible Translators, Inc.
ScriptureEarth.org

La ilustración a color de la carátula por VideoBible.com,
usada con permiso.

Las demás ilustraciones por Alberto Rossel, © ILV, 2012.

Editor:
Liga Bíblica del Perú
Jr. Huaraz 2030 (CONEP)
Pueblo Libre, Lima, Perú
Correo electrónico/sitio web:
https:
www.ligabiblicaperu.org

Primera edición, junio de 2024

Hecho el Depósito Legal en la
Biblioteca Nacional del Perú
Nº 2024-07949

Se terminó de imprimir en agosto de 2024 en:
Altamar Ediciones e Impresiones EIRL
Avenida General Córdova 759 – 302 Miraflores
Lima - Perú
Tiraje: 300 ejemplares

Naa kede Pabloa Filemón wubadi adexuyuba nu dibujowu uĩnu.



Onésimo Filemónpa peiuxũ wii yuduxupakexanu.



Onésimopa awē diaiwu yuduxui.




Onésimo ichui Filemónpa awẽ pexe aduax.




Filemónpa badui Onésimo ichuadu.



Carcelmeraduax Onésimowe Pablo wichinakadi.



Pablo pa Jesús udua Onésimo yui Onésimopa ikūira wanu.



Pablopa Onésimo kedexui Filemónpa iwisharanu.

Pablopa Filemón kede wubadi

¹Filemón, duku keskara mi Jesucristo udua yuibis. Ë Pablo. Ë bia kede wubai nuku yura Timoteoweta. Datiã ã cárcel mera. Ë Jesucristo udua yuiwawaïke cárcel mera ea ayabeawu. Ë bia saludo wubai. ²Nuku yura Apia ikaidu na soldado keskara Arquiporiwi naawuya ã bia saludo wubai. Duku keskara Arquipopa tsuaki besetaba yurawu Jesús udua atu yuibis. Naa Jesús ikũirawabiswu mewẽ pe xe wisti adu ichanabiswu naawuya ã bia saludo wubai. ³Nuku diaiwu Jesucristoweta nuku Epa *Diospa bia ubisbanuwu naa yurawuya. Bia shinabasharanuwu naa yurawuya mi idibanu.

⁴⁻⁵Filemón, ã dikabis mi diaiwu Jesucristo ikũira wabis. Ë dikabisriwi Diospa awẽ yurawu mi atu ubisbabis, Filemón. Naskake ã Dios kiwĩkĩ: “Aichu”, bia wata ã bia kiwĩxubis. ⁶Ë bia kiwĩxukĩ iskawabis: “Epa Dios, Filemónpa atu ubisbayaitu tapibasharawe. Nu Jesucristopa awẽ yurawuke mi duku shinabasharabis. Na mi duku shinabasharabis keskara Filemón tapibawe”, ã bia wabis bia kiwĩxukĩ, Filemón. ⁷Ewẽ kaiwũ, mi Diospa awẽ yurawu atu mi ubisbayabea idibanuwu. Mi atu duike ã idibakui.

⁸⁻¹⁰Mi atu duike ã bia ñukai mi Onésimo sharawanu, na mewẽ uibati mi peixũ widi. Onésimo ewẽ wake keskara. Ë awẽ apa keskara. Onésimo dudu cárcel merariwi. Naaturiwi Jesucristo

ikũira wayabea. Naskake Onésimo ewẽ awu keskara. Ë Pablo. Ë adiwu. Ea cárcel mera ea ayabeawu Jesucristo udua ã yuiyaitu. Ë Jesucristopa awẽ yura. Radutaba ã bia yuitiru. Naskawixu ã bia “Onésimo sharawawe”, ã bia waiba. Ë bia shinakĩ ã bia ñukai: “Mi Onésimo sharawatirume”, ã bia wai.

¹¹Mewẽ uĩbatiwia bia yudusharaxupaudiba. Datiã mewẽ pexe adu kaxu bia yudusharaxutiru. ¹²Datiã ã bi adu Onésimo ã nichi. Kaitu ã Onésimo shinai. ¹³Ea cárcel mera abayabeawu ã Diospa tsai shara yuiyaitu. Ë Onésimo netewakerada ea awara axuyaxanu cárcel meraxu. Na awara mia axukerada keskara Onésimopa ea axukerada. ¹⁴Naskaweke ea mia yuiyuabaadu ã Onésimo netewatiruba. Onésimo mewẽ pexe adu kaadu biwi shinatiru ã adu dasutirumaiki. Biwi mi ea sharawapaikĩ ã adu mi nichitiru. ¹⁵Bi aduax Onésimo kayuyabea chipuraiki dasuax bewe ipaxakĩ. ¹⁶Na mewẽ uibati Onésimo datiã na mewẽ udiwetsa mi duitiru keskara. Ë nuku udiwetsa Onésimo ã dui. Mi Onésimo duikuitiru biamai yuduxuwaitu bewetariwi nuku diaiwu Jesús ikũira wakẽ.

¹⁷Ë beweta Dios yuduxutiru. Naduri shinaxu ea Onésimo iwisharaxuwe na mia iwisharatiru keskawakĩ. ¹⁸Bia Onésimopa mewẽ awarawu chakawanawerãyabeamaiki bia awara debea itirumaiki ea tapibawe. Bia debeke ã bia pei inanu. ¹⁹Ewẽ biwikuichi da kede aduxu ewẽ ade ã bia kedexui. Ewẽ ade uĩxu mi ea ikũira watiru. “Onésimopa bia debeawu ã bia inaxiwi”, ã wai. Shinabakiyabawe mi ea ichapa debea na ã bia axubis. Naskaweke a ã bia ñukaiba. ²⁰Ewẽ kaiwũ, mi Diaiwu Diospa yuraki. Ea sharawakuiwe. Mi Jesucristopa yuraki. Ea dikakuiwe

ẽ idibasharanu. ²¹ Ẽ tapia mia ikũira waaxiwi. Naskake ẽ bia kede wubai. Ẽ tapia da ẽ bia yuiyai wistis mi aaxiwiba. Wetsariwi mi aaxiwi.

²² Ewẽ kaiwuwawe, ma ea kiwĩxuwaitu dikaxu Epa Diospa batu adu ea nichitiru. Filemón, ea kede itipiniwaxuwe nadu ẽ dukui kanu.

²³ Dudu cárcel mera ewe rawebistu awẽ ade Epafras naaturiwi bia saludo wubai. Jesucristo udua yuiyaitu naariwi cárcel mera ayabeawu. ²⁴ Marcos, Aristarco, Demas, Lucas naawaweri bia saludo wubakadi. Ẽ yuduai keskarari nawawe yudubiswu. Jesús udua yuibiswu.

²⁵ Nuku diaiwu Jesucristopa batu ubisbanu, ewẽ kaiwuwawe.